



Rabu, 02 Desember 2020

Ogen: Jeremia 39:1-10



Talu Dingen lukum



Mejin kal si jadi tupung reh Raja Babil Nebukatnesar nerang Jerusalem. Si idah maka i lebe-lebe Raja Sedekia me anakna kerina i bunuh. Ia jine ipulditken matana duana janah i baba jadi tabanen ku Babil. Jerusalem ras Rumah Pertoton pe iruntuhkan kerina. Seh kal mejinna kai si jadi enda.

Enda jadi labo erkiteken la keleng ate Dibata man bangsaNa. Ndah sope kalak enda ngiani negeri enda, enggo leben i bere Dibata pedahNa maka kegeluhenna arus bersih la banci bagi kegeluhen bangsa-bangsa sekelewetna. Adi kegeluhenna bagi bangsa-bangsa sekelewetna la banci lang iutahkan negeri e me ia (Im.18:25-28)

Ertina maka ndube ipelawes Dibata bangsa si ngiani negeri e erkiteken enggo ipilih Dibata negeri e jadi ingan man bangsa pilihanNa. Ise e? Eme bangsa Israel ras kerina kalak si nggit ngikutken pedah ras ndalanken pedah Dibata. Emaka ikut nge i bas Rahap diberu Kanan si pendahinna si la uli. Ikut nge i bas Rut beru Moap si erkelengate man bibina. Tapi adi la idalanken pedah Dibata si enggo mereken taneh e man bana maka negeri jine ngutahkan ia kerina. Ertina la banci la iukum kalak si la ndalanken pedah Dibata.

Maka banci kita menang ras teneng ngiani sada negeri eme adi kita nggeluh erpalasken kebenaran Dibata. Prinsip Kata Dibata enda seri man banta kerina. Ija pa pe kita kerina ringan adi nggeluh kita i bas kebenaran Kata Dibata maka negeri inganta tading e jadi Negeri Kanaan si sampur dadih ras tengguli. Tapi adi lang talu dengen iukum eme kita.

Bageme kita kerina, tetap min sibegi ras sidalanken pedah Dibata kerna kerina simehuli, adil, bujur ras benar gelah tenang ras dame kita ibas ngiani taneh siibereken Dibata man banta. Khususna daerahta si ngelakoken PEMILIKADA tanggal 9 Desember, ula sempat sidayaken kata Dibata alu ngalo duit.



[The main body of the page is a large, blank white area with a wavy top edge, intended for writing.]